

De Nationale Kunst Loterij

Arubiano ta pinta premio nacional di potret pa DNKL na Hulanda



ORANJESTAD (AAN): Pa e prome sorteo di De Nationale Kunst Loterij (DNKL), Gustave Nouel, artista conosi di Aruba bibando na Hulanda, tabatin e privilegio di pinta e premio nacional di potret.

Ganador Sr. Gepko Bruin di Zaandam, recientemente a ricibi e pintura special aki for man di Ministro Plenipotenciario di Aruba na Den Haag, sr. Edwin Abath.


Presente di parti di DNKL tabata, Srs. Felix Timmermans y Jochem Schuijt, cu ademas ta propietario y editor di Palet, e revista di Arte mas grandi di Hulanda.

E asina yama DNKL ta un loteria di Arte Hulandes nobo cu tin como meta pa yuda e mundo di arte nacional Hulandes. E premionan ta - ademas di plaka - na prome lugar, premionan cu e loteria ta cumpra di artistanan di henter Hulanda.

Directiva di DNKL a bin na un acuerdo cu 'Kansspelautoriteit' pa organiza e proximo sorteo na fin di 2013. Intencion ta pa e biaha aki, banda di e premio especial di portret, cu Nouel su pinturanan 'Enigma van het licht' y 'CubAruba' lo forma parti di e premionan mayor. E pinturanan aki ta cai bou di su serie cultura Arubano/Caribeño.

E conosido artista Arubiano tambe a ser pidi pa DNKL pa actua como embahador pa nan fundacion.

Actualmente e artista Gustave Nouel, especialista den pinta potret ta preparando cursonan nobo pa por ofrece na Aruba, na talentonan interesa. Tin contacto cu Cas di Cultura, Universidad di Aruba y Biblioteca Nacio-



nal pa por realisa esaki y otro actividadnan artistico na november 2013.

Riba potretnan pa cortesia di F.P. de Boer, por mira entrega premio nacional na Gepko Bruin (drpd: Jochem Schuijt, Felix Timmermans, Edwin Abath, Gepko Bruin, Gustave Nouel, Angelo Tromp, Shandra John. Tambe Ministro Plenipotenciario ta entrega premio nacional DNKL. Enigma van het Licht (premio mayor nacional di DNKL pa 2013. CubAruba den Cora (premio mayor nacional di DNKL pa 2013)

